

毛泽东读书集成

中国中共文献研究会 编

130



中央文献出版社

毛泽东读书集成

中国中共文献研究会编

第130卷

常州大学图书馆
藏书章

中央文献出版社

读史方輿纪要卷七十七

湖广 三

承天府东至德安府三百二十九里，东南至汉阳府五百六十里，南至岳州府六百七十里，西南至荆州府三百二十里，北至襄阳府三百里。自府治至布政司五百七十里，至京师六千一百七十五里。

《禹贡》荆州之域。春秋、战国时属楚。秦属南郡。汉为南郡、江夏二郡地。后汉因之。晋初，亦属江夏郡。惠帝元康九年，分置竟陵郡。宋、齐因之。梁置北新州。西魏改曰温州见京山县。后周改置石城郡，兼置郢州治长寿县。隋初，郡废州存。炀帝改州曰竟陵郡。唐武德四年，复置郢州及温州治京山县。贞观初，废郢州以长寿县隶鄆州，鄆州见襄阳府宜城县。十七年，复置刘昫曰：是年，废温州，以郢州治京山，后又移治长寿。天宝初，曰富水郡。乾元初，亦曰郢州。五代因之。宋仍曰郢州亦曰富水郡。元改为安陆府。明洪武九年，降为州以附郭长寿县省入。嘉靖十年，以潜邸在州，升为承天府，领州二、县五。今复为安陆府。

府肘腋荆、襄，噤喉江、沔，舟车辐集，水陆要冲。春秋时，为楚之郊郢。斗廉谓屈瑕，君次于郊郢以御四邑，是也。其在三国时，实为重地。晋初，羊祜都督荆州，吴石城守去襄阳七百余里。祜设诡计，令吴罢守。祜以孟献营虎牢而郑人惧，晏弱城东阳而莱子服，乃进据险要，开建五城五城，大约是缘境戍守处，收膏腴之地，垦田八百余顷，石城以西，尽为晋有。吴于是日蹙矣。杜预继之，分据要害之地，通零、桂之漕，而南服底定预开扬口，见景陵县。大兴五年，王敦作乱，自武昌东下，声言讨刘隗之罪，时甘卓镇襄阳时卓为梁州刺史，镇襄阳。湘州刺史譙王承使主簿邓騫说卓曰：使敦克刘隗，还武昌，增石城之戍，绝荆、湘之粟，襄阳将安归乎？盖石城者，南北运道所必经也。成帝时，庾亮欲经营河洛，请移镇石城。蔡谟议曰：自沔以西，水急岸高，鱼贯溯流，水陆异势。沔水之险，不及大江，非庙胜之算。亮不果移镇。识者谓终晋之世，卒于宴安江沱，而不能混一中原者，重在南直而轻在江北也。逮萧梁之季，西魏将杨忠来攻，自随郡安陆、竟陵乘胜至石头即石城，欲进逼江陵。梁湘东王绎惧而请和，盟曰：魏以石城为封，梁以安陆为界。夫石城入魏，而荆州殆矣。唐《元和志》：郢州子城，三面墉基皆天造，正西绝壁，下临汉江。石城之名，盖始于此。宋嘉熙中，孟珙受诏收复荆襄。珙谓必得郢，然后可以通馈饷，得荆门，然后可以出奇兵。乃指授方略，复郢州、荆门，而襄、樊在掌握矣。及蒙古陷襄、樊，宋人以沿江精锐，萃于二郢，伯颜出奇袭取，而汉江以东，皆为糜烂。石城所系，顾不重欤？

钟祥县附郭。汉竟陵县地，属江夏郡。晋置石城戍，寻为竟陵郡治。刘宋泰始六年，置苕寿县。齐因之。西魏改曰长寿。周改置石城郡，仍治此。隋为郢州治。唐初因之。贞观初，废郢州，县属鄆州。八年，又属温州。十七年，仍属郢州，后又为州治。宋以后因之。明初省。嘉靖十年，复置今县，编户二十一里。

石城在府城西北。《水经注》：沔水南经石城西。城因山为固，晋羊祜镇荆州时立。《元和志》：长寿城，本古之石城，背山临汉水，吴于此置牙门戍。晋羊祜亦置戍焉。惠帝元康九年，分江夏西部都尉置竟陵



郡，治石城。建兴三年，陶侃围杜曾于石城，为曾所败。咸康五年，庾亮欲移镇石城，不果。既而石虎将慕容安南寇，围石城，竟陵太守李阳距破之。义熙十一年，刘裕攻司马休之于江陵，雍州刺史鲁宗之与其子竟陵太守鲁轨，皆举兵应休之。既而休之等北走，轨留屯石城，裕遣兵攻破之。梁大宝初，西魏将杨忠南侵，取安陆竟陵，乘胜至石头，欲进逼江陵。梁湘东王绎惧，遣使求和，忠乃还。西魏因置石城郡。隋唐以来，皆为长寿县治。明初，筑城，浚池，因为城垣。《城邑考》：今郡城上据崇丘，旁控石城，下临汉水，夹城为濠，南注于汉。子城，宋乾道、淳熙间筑，元末毁于兵燹。明初，因石城故址拓之。弘治中，复展筑北城，后屡经修筑。今城周五里有奇，门五：南阳春，东威武，东南阅武，西石城，北拱辰，制皆巍焕云。

蓝水城在府西南。本编县之蓝口聚。东汉初，下江兵尝据此。刘宋元嘉六年，以三辅流民侨立莲勺县，属冯翊郡。齐、梁因之。西魏置汉东郡，改县为蓝水县。隋初郡废，县属郢州。大业末废。唐武德四年复置，仍属郢州。贞观初，并入长寿县。又汉东城，在府南七十里。《隋志》：后齐侨置上蔡县及齐兴郡，后周郡废。隋开皇十八年，改县曰汉东。大业末废。今名汉城。《志》云：以城滨汉水而名。相传为关羽屯兵处。

管城府西北百里，故戍守处也。晋太元六年，苻秦荆州刺史都贵，自襄阳进兵寇竟陵。荆州刺史桓冲，使桓石虔等击却之，拔其管城。《载记》：时石虔破秦将阎振、吴仲于激水。振、仲退保管城。《水经注》：激水出新市东北，西南流注于沔。沔水径都县故城南，又东，激水注之，实曰激口。管城盖在激水北，接襄阳府宜城县界。激水城，在府西。刘宋元嘉中，侨置高陆县，亦属冯翊郡。齐、梁因之。西魏改为激水县。隋开皇初，郡废，县属郢州。大业初，省入蓝水。又沔东郡城，在府西北，萧梁初所置荒郡也。天监四年，雍州蛮沔东太守田青喜叛降魏。胡氏曰：郡盖在襄阳东、竟陵西。

新郢城在府西南汉南直岸。宋末，筑此为戍守重地。故郢在汉北，以石为城。新郢在汉南，横铁钅锁战舰，夹岸为守。蒙古兵围襄樊，断粮援之道，将帅悉驻新郢及均州河口，以守津要。襄樊既陷，伯颜遂引军趣郢，二郢之备方急。军不能前，乃由间道攻郢，克之，进薄新郢，遂拔之。

纯德山城东北一十里。旧名松林山，兴献陵寝在焉。嘉靖十年，诏改今名。《志》曰：纯德山西南十里曰天子冈，又北三里曰九龙冈，横亘而西，即石城山也。《志》云：石城山，在府西十里。又府南半里有章山，或以为即内方山。楠木山，在府治东一里，一名武陵。《春秋》庄四年，楚武王卒于楠木之下，即此。上有青泥池，一名青泥山。《三国志》：魏乐进与关羽相距于青泥。祝穆曰：即此山也。考《乐进传》，进与羽相距于襄阳府，或是襄阳之青泥河。

子母山府北百里。有二十二峰，大小相接，环列如屏。其相近者曰窄山，山势褊窄。又有仙潭山，高数百仞，上有仙潭洞。山口复有二山对峙，曰狮子山、象山，雄踞水口，为郡城之胜。聊屈山，在府东五十里，接京山县界。山势突起，绵亘数十里。上有白鹿池，一名卢屈山。又有界山，在府东北八十里，接随州界，其相近者曰温峡山。两山对峙如峡，温峡河出焉，流入汉江。

关门山府西北百里。高耸巉岩，有石如屏，障塞山口，俨若关门。其上又有石凤洞，列石攒峙，如凤昂首，中容数十人。城子山，在府东南百四十里。上有土城，亦昔时保聚处。《郡志》：今山在京山县东二十里。又盘石岭，在府东四十里，有上盘、中盘、下盘三岭，以石路盘曲而名。又桐木岭，在府东北七十里。

汉江在府城西。上至襄阳七百里，下至沔阳七百里。自北而来，径石城西南，至沔阳、汉阳，流入大江。《水利考》：汉江旧道，逼近石城。嘉靖初，西徙沿山湾一带，去城渐远，水患日甚。其故在丰乐一带，旧有九龙滩、龙爬港、桐木岭、金花、鬲斗等湖之分泄；至石城，则旧有城北湖、池河、殷家等河之注蓄。今皆淤淤，军民官庄，争垦为业也。又自石城而下，由蔡家桥、板桥湾、上下流涟、马公洲、小河口，以达于南河，迂回三百余里，土人总名之曰红庙堤，最为要害。考蔡家桥，旧有口通二圣套入湖，又有流涟、金港二口通枝河，达赤马、野猪等湖，由青树湾入军台港，分泄汉流，以故堤得无虞。今半堙塞，不可复疏。此嘉靖二十八年以来，有诸堤尽决之患也。详见大川及川渎异同。

直河在府北十五里。其水直入汉江，故名。俗讹为池河。府北三十里又有瓦埠河，流入直河。《志》



石城

读书集成

MAO ZE DONG DU SHU JI CHENG



93012



云：池河，即《水经》所载枝水也。源出大洪山，西南流，经襄阳宜城县界。又有激水，在府北六十里，合流而西南，注于河水。

丰乐水府北九十里。源出大洪山，流经盘石岭，南入汉江。溉田甚广，岁赖以丰，因名。《志》云：丰乐河，为郡城津渡要口，常议设兵巡戍。嘉靖十八年，车驾南巡以及回銮，皆驻于此。又有穴河，在府南百三十里，有穴口镇。其水自汉江分流而东南，凡百余里，又东流至汉阳界，仍合汉水，入大江。又有蒿河，在府东六十里，府北六十里之洋子河流合焉。又寨子河，在府东五十里。又府东八十里有芹菜河，东北六十里有长塙河，俱流入汉江。又有殷家河，在府西北十五里，今堙。

白水府东三十里。酈道元曰：出聊屈山，西南流入于汉水。白口驿，以白水而名也。《左传》定四年，楚昭王奔随，将涉成臼，即此。《志》云：白水旧流入汉川县，入沌水。意白水不一处也。今故道已堙。溧水，在府西北。《宋史》：咸淳十年，蒙古陷襄樊，伯颜以大兵趣郢，至溧水，麾军径渡，溧水盖汉旁支川也。今堙。

城北湖府北五里。流通汉江。又卢淤长河湖，在府西南百二十里，其相近者曰赤马野猪湖。皆汉水回合处也。今俱掌于河泊所。又龙母湖，在府南三十里，相传有龙驰骛于此，本名龙骛河，水溢则通汉江。

藤湖在府东南。汉北诸水所溢也。蒙古伯颜袭郢，不克，获俘民，言沿江九郡精锐，皆萃于二郢，若舟师出其间，骑兵不得护岸，此危道也。不若取黄家湾堡，东有河口，由中拖船入藤湖，转而下江，仅三里。伯颜从之，郢州遂危。泉子湖，在府东。伯颜由藤湖入汉江，趣郢城。郢州将赵文义来追，战于泉子湖。文义败绩，伯颜进至城南之沙阳，而郢城之师溃。

金港府南一里。源出楠木山，流里许，入汉江。宋尝于此采金。今塞。又龙凤港，在府南四十里。汉江之支流也。龙池泉，在府东三十里。溉田百顷，其相近者又有潜龙池泉。又府东九十里有双泉，俱有灌溉之利。《志》云：府南二十里有五龙堰，府北三十里有莲花堰，俱堰水灌田，各数百顷。又有洗罗陂，亦在府北三十里。府南四十里又有竹筱陂。

塘港关府南三十五里。府西北十五里有直河关，今亦名池河关。又府南有南津关。皆有官兵戍守。《志》云：南津关，旧有富水递运所，万历中废。

贾瑒镇在府西南。唐乾符四年，王仙芝寇荆南，时汉水浅狭，贼自贾瑒渡，径至城下，攻陷罗城，焚掠而去。又黄家湾堡，在府南三十里。伯颜攻郢不克，从俘卒言，遣军袭黄家湾堡，拔之。诸军破竹席地，荡舟由藤湖入汉，是也。郢东马驿，在府东七十里。又府北六十里有丰乐驿，在丰乐河滨。城南又有石城水驿。又南百二十里有白口水驿。《志》云：长寿县东三里旧有田城驿，北六十里有马安驿，明初，与县俱废。又石城驿，嘉靖十年，改石城水马驿。鱼料驿，嘉靖十八年，改丰乐河水马驿。

京山县府东百十里。东至德安府应城县百里，南至景陵县百里。汉为竟陵县地。后汉为竟陵、南新市二县地。晋因之。皆属江夏郡。惠帝时，析置新阳县，属竟陵郡。宋、齐因之。梁置北新州治焉，并置梁宁郡。西魏改州曰温州，县曰角陵。隋初，郡废。大业初，州废，改县曰京山，属安陆郡。唐初，复置温州。贞观中，改为郢州治，宋因之。宋末，移治汉滨。元复旧，属安陆府。明初，属安陆州。今县城周四里有奇，编户三十一里。

南新市城县东北百里。楚新市邑。《秦纪》：昭襄八年，使将军芊戎攻楚，取新市。王莽时，王匡兄弟举兵于此，刘伯升收新市、平林兵讨莽，是也。光武即位，置南新市县，属江夏郡，以常山郡有新市县也。晋因之，仍属江夏郡。宋改曰新市，属竟陵郡。齐、梁因之。西魏改新市曰富水，又置富人郡治焉。隋初，废郡，县属温州。大业初，属安陆郡。唐初，仍属温州。贞观中，属郢州。宋省入京山。《志》云：唐富水县，在今县北七十里。其地平坦，可容千家，盖唐移县治此。《水经注》新市治杜城。杜佑曰在今富水县东北，是也。《寰宇记》南新市在京山县南三十里，误。《承天志》：富水废县，在京山县城北九十里，宋乾德二年废。

盘陂城在县西。西魏置盘陂县，属梁宁郡。隋初，属温州。大业初，废入京山县。或云：县盖置于钟祥县盘石岭下。三王城，《寰宇记》：在县北九十里大阳山之麓。王莽时，王匡、王凤、王常屯兵于此而名。

张良山县北八里。峰峦高峻，草木秀美，峭壁间有一横径，多马迹，俗传子房曾息兵于此。山阴有马跑泉，相传关壮缪驻兵处。山无水，士卒患渴，马跑地而得泉，至今民资灌溉之利。又胜境山，在县北三十里，峭特为境内之胜。又火门山，在县北八十里，相传光武夜举火度兵于此，因名。

大洪山县北百二十里，与随州接界。《志》云：山周百余里，上多奇胜。东瞩安、鄂，西眺襄、邓，南望江汉，一览可尽。山半有龙斗崖，其北有黑龙池，山南有白龙池，涓、漳诸水皆源于此。今详见随州。天门山，在县南八十里。二石相对，中一径通明，若天门然。又中盘山，在县东百五十里，石径盘绕，道经其中。

关王岭县北百里。上平如掌，有球场及故城垒。观音岩，在县东二十里。顶有飞泉瀑布，流分四派，溉田数百顷。又仙女洞，在县西南三十里，岩谷竞秀，泉脉交通，峭壁插天，水纤如篆，洞有石门，中多奇胜。

县河在县治南。县境西北诸水皆汇于此，下流至景陵县蒿台湖入汉江，夏秋涨溢有淹田啗城之患。嘉靖中，因筑堤障之。《水利考》：县去汉江差远，水患少，惟上接钟祥一带，下有小河、南河、紫金潭、拖船埠等处，直抵景陵界，地势卑下。嘉靖三十年来，钟祥官庄及荆州右卫之堤决，遂冲入拖船埠等六十余处，连岁屡筑屡决，此唇齿之患也。今有汉江堤，在县南，长百余里。撞河，在县东北八十里，源出大洪山白龙池。俗传有白龙撞石开此河，因名。下流至汉阳府汉川县，入汉江。或曰：即富水也。《寰宇记》：富水亦出大洪山，下流入应城县界，有大小富水，亦曰大泌水。又有杨家河，亦在县东北百二十里。《志》云：源出大洪山黑龙池，下流入应城县界。

潞水县西南八十里。源出县西七十里之磨石山，下流合县前河，通于汉江。或以为即春秋时之雍澨。《左传》定四年，吴败楚师于雍澨，三战及郢，即此水也。又县境有汉澨、漳澨、蕞澨，说者谓即《禹贡》之三澨，皆与景陵接界云。今亦湮。温汤水，在县南十五里，灌溉稻田，其收数倍。西魏因以名州。流合县河入汉江。又泗水，在县西南百八十里，南去汉江十里，水溢而汇曰泗水，亦名泗汉湖。隆庆六年，议开泗港以杀汉水，即此。又县南七十里土墙湖，下流通于泗港。

五泉县西五十里。泉有五穴，涌如鼎沸，灌田甚溥。《寰宇记》：五泉发源于县西北百里之横岭。又漱水亦源于此云。新罗泉，在县北七十里，旧有新罗国僧居此，因名。泉流溉田，民甚便之。《寰宇记》：县北九十里之石人山，新罗泉发源地也。又师古泉，亦在县北七十里，泉自山顶飞流，声闻四五里，灌田甚多。又珍珠泉，出县南七十里大迹山，水沸如珠，流为青水，居民筑堤蓄水溉田。

曹武市县东四十五里。曹操侵孙吴时过此。又县北五十里有武台，枕山临水，相传亦操屯兵处。办顿市，在县西北九十里，亦名办顿村。相传汉光武曾顿宿于此，又关壮缪亦尝驻焉。一名卓刀市。

皂角镇县东南七十里，接景陵县界。《寰宇记》：地多丘陵及皂角树。西魏因以角陵名县。《志》云：县旧有东廊驿，万历八年革。

潜江县府东南八十里。西南至荆州府二百七十里，南至荆州府监利县百五十里。汉竟陵县地。唐大中间，置征科巡院于白浪镇。宋初，亦曰安远镇。乾德二年，升为潜江县，属江陵府。后因之。明嘉靖十年，改今属。县城周五里有奇，编户二十三里。

潜江旧城县西四十里豆子湖南。宋初，置县于此，寻移今治。《志》云：县本治道隆乡，以水患，迁于斗堤。是也。又余潭城，在县西七十里棠林冈，相传关壮缪守南郡时筑。

潜水县东一里。所谓汉出为潜也。又县东二里有洛江河，流入沔阳州。县东三十里有芦洲河，即汉水分流处。《志》云：汉水自石城北三十里，分流为芦洲河，经县东南，复入于汉，故名潜江。潜水复入汉处，曰上新口、下新口。又东南自排沙渡东流，为深江。又南流为恩江。皆弘治及嘉靖中所浚以分泄汉水者也。



后或通或塞，下流入沔阳州界。

太平湖县北六十里。相近者曰郑家湖。又县西北百里曰青阳湖。又后子湖，在县东三十里，其相近者曰东白湖、西白湖。又枝江湖，在县西南十五里。其在县西南五里者曰陆家院湖，皆汉江支水汇流处也。沱埠渊，亦在县西南五里。又县南三里曰马市潭。《志》云：江水溢出为沱。今江水自郝穴口溢入东北，径三湖、芝江湖，至县南为马市潭。潭北有沱埠渊，县东有池曰南池、北池。县北有湖曰太平，西有湖曰青阳，南有湖曰东白、西白，及陆家渊，俱沱水所注。今县治在斗堤，周广七百二十八里，皆重湖也。

高氏堤县西北五里，五代时高氏所筑。起自荆门州绿麻山，至县南沱埠渊，延亘一百三十里，以障襄、汉二水。后屡经增筑，今县境凡有八堤，高氏堤而外，曰莫家潭，曰夜汉口，曰白淤坑，曰江汉坑，曰班家湾，曰车老坑，曰太平坑，多至六百余丈，少亦百余丈，皆冲决要口也。《水利考》：县背重湖，民往往各自为坑，南则陶湖、牛埠，北则太平、马猗，西则白淤、咸林，东则荷湖、黄汉等，凡百余坑，俱环堤而居。明初，修筑各坑堤埝。又有潭子湖、四港、甘心口各枝河分杀水势。嘉靖三十九年，诸堤半决，枝河更多湮塞。夏秋涨溢，大为民害。隆庆二年，兴工修筑，患始杀。其马家坑决口，在景陵境，而害在潜江，备尤不可不预者也。里社堤，在县南，有里社穴，西南通江陵之漕河。宋乾道七年，湖北漕臣李焘修潜江里社堤，是也。

白淤驿在县北。明初置驿于此。万历九年，革。《志》云：县境要险，有班家湾、浩子口，防御最切。其拖船埠，近沔阳州界，哨守犹易。而蚌湖、芦淤头，亦为巡警处。盖其地皆接通江汉，盗贼易于出没云。


附见：

兴都留守司在府治东。嘉靖十八年置，辖显陵，承天、沔阳三卫。承天卫在府治西北。洪武初，置安陆卫。嘉靖三年，改为显陵卫，以护陵寝。十六年调荆州左卫为显陵卫，置于城东北十里，环列十营，巡守护卫，而改显陵卫为承天卫。

荆门州府西南九十里。东南至沔阳州二百九十里，南至荆州府一百八十里，北至襄阳府二百七十里。

春秋时楚地。汉为南郡地。后汉因之。晋仍为南郡地。隆安五年，析置长宁、武宁二郡长宁郡治长宁县，武宁郡治乐乡县。宋泰始中，改长宁郡曰永宁。齐、梁因之。西魏改置基州及章山郡。隋废属荆州。唐武德四年，复置基州治章山县。七年，州废，属荆州。贞元中，属江陵府始置荆门县。五代时，高氏置荆门军治当阳县，寻废。宋开宝五年，复置军治长林县。熙宁六年，军废。元祐三年，复置。端平三年，移治当阳县。元至元十四年，升为荆门府十五年，复治长林。天历初，降为州。明初，以州治长林县省入编户六十三里，属荆州府。嘉靖十一年，改属承天府，领县一。今属安陆府。

州环列重山，萦绕大泽，西控巴峡，扼其咽喉；东连鄢、郢，为之襟带，信荆楚之门户，实襄、汉之藩垣。唐之中叶，而荆门始建荆门县置于贞元二十一年。迄乾符五年，王仙芝寇乱荆南，襄邓帅李福驰救，败贼于荆门。明年，黄巢自江陵趣襄阳，襄阳将刘巨容等扼之于荆门，伏兵于林中，大破之。当是时，巨容无养寇之心，贼党且歼矣。然则荆门者，诚铃束之要地也。宋嘉熙之际，以荆门为次边，而城垣未备。陆九渊知军事，谓军居江、汉之间，为四集之路，南捍江陵，北援襄阳，东护随、郢之胁，西当光、化、夷陵之冲。荆门固，则四邻有所恃，否则有背肋腹心之虞。由唐之湖阳湖阳，见河南南阳府唐县以趣山，则其涉汉之处，已在荆门之胁。由邓之邓城以涉汉邓城，见襄阳府，则其趣山之处，已在荆门之腹。自此之外，间道之可驰，汉津之可涉，陂陀不能以限马，滩濼不能以濡轨者，所在尚多。自我出奇制胜，徼敌兵之腹胁者，亦正在此。虽四山环合，易于备御，而城池缺然，将谁与守？因请于朝而城之。嘉熙中，孟珙图复襄阳，谓必得荆



门，然后可以出奇兵。盖九渊实先发之矣。

长林废县今州治。汉编县地，属南郡。东晋隆安五年，置长宁县，为长宁郡治。宋泰始中，以长宁名与文帝陵同，改为永宁郡，而县如故。齐、梁因之。隋郡废。开皇十八年，改长宁曰长林，属荆州。唐因之。宋为荆门军治。元为州治。明初省。今州城，因宋嘉熙中故址修筑。弘治末，圯于水，寻复增修。周四里有奇，有门四。

荆门城州东北六十里。本长林县地。唐贞元二十一年，析置县，属江陵府。乾符五年，贼王仙芝寇荆南，山南东道帅李福驰救，至荆门，遇贼，奋击败之。时仙芝已陷江陵、罗城，焚掠而去。六年，黄巢自江陵焚掠而北，襄阳将刘巨容、曹全晟等扼之于荆门，大破之，即此。唐末废。《志》云五代高季昌更荆门县为军，非也。盖因荆门旧名耳。又云荆门故城在州东南一里东山下，误。又长林城，在州西三十里。晋隆安中，分编县地，置长林县，属武宁郡。齐、梁因之。隋开皇十一年，省入长宁。十八年，遂改长宁为长林。《元和志》：晋置长林县，以其地有栎林长坂云。又绥安城，在州北。晋末，桓玄置绥安郡，寻省为县。宋初，省入长宁。

乐乡城州北八十里。汉郡县地。晋隆安五年，桓玄以沮漳降蛮为武宁郡，又立乐乡县为治。宋以后因之。梁大宝二年，侯景攻巴陵，岳阳王贽与湘东王绎为难，闻之，遣军据武宁，声言赴援江陵，寻引去。承圣三年，王琳为广州刺史，琳意欲为雍州，镇武宁，为国御捍。盖自武宁以北，即为襄阳界。时荆雍之隙方深也。未几，贽引魏军袭江陵，魏军济汉，袭武宁，克之。遂长驱向江陵，江陵下，置都州于此。隋初，郡废。大业初，州废，县属竟陵郡。唐武德四年，仍置郡州。八年，州废，县属襄州。天祐三年，朱温将杨师厚击江陵，至乐乡，荆南牙将王建武迎降。五代周并入宜城县。宋为乐乡镇，属长林县。今有乐乡镇巡司。

章山城在州东北。本长林县地。西魏置绿麻县，兼置上黄郡。隋开皇初，郡废，县属基州。大业初，改县曰章山。括地志：章山在长林县东北六十里，县盖以山名又西魏置丰乡县，并置基州及章山郡。开皇七年，郡废。大业初，州废，皆属竟陵郡，后废。唐武德四年，于长林东北百二十里置基州及章山县。七年，州废，以章山属鄂州。州复废，改属荆州。八年，省入长林。《一统志》：基州城，在内方山东北马良口，按嘉靖十八年，以马良望乡益钟祥县，今盖在钟祥界内。

编县城在州东。汉县，属南郡。后汉因之。晋、宋以后，仍属南郡。萧梁末，废。亦谓之编都城。《都邑考》：州治东东山，顶平旷，号太平顶，上有楚望亭，汉编县所理也。恐误。荆台城，在州东六十里。梁置安居县。隋开皇十八年，改曰昭立，属荆州。大业初，改曰荆台，寻废入当阳。《志》云：州南六十里有宛城，盖南北朝时侨置县也。又有李家市城，在州东南百七十里，五代时高氏筑。

那口城在州东南。《春秋》庄十八年传，楚武王克权，权叛，迁权于那处。及文王即位，与巴人伐申而惊其师，巴人叛楚而伐那处，取之。杜预曰：编县东南那口城，是也。《史记》：周公辅成王，封其弟季于冉。孔氏曰：冉，亦作郟，或作那，皆读曰然，今那口也。《志》亦谓之权国城。

东山在州治东南一里。一名东堡山。州西三里有西山，亦名西堡山。又蒙山，在州西一里，两山对峙，如峨嵋然。麓有蒙惠二泉，旧名泉子山，一名象山。又屏风山，在州西北四里，绝顶平行，中有二泉。宋绍兴中，州民结庐其上，为拒敌计。开禧初，郡守李直炳徙居焉。荆门山，在州南五里，其西又有虎牙山，相去五里。二山本在宜都县，因州名传说也。又灵鹫山，在州北三十里，有龙洞，深五里，泉石甚胜。

内方山州东南百八十里汉江之上。《禹贡》所云内方至于大别者也。一名章山，又名马仰山。《志》云：马仰山有二，一在州北三十五里。又有鸡头山，在州北六十里，最高。谚云：鸡头、马仰，去天一丈。鸡头相接者曰大明山，皆有泉石之胜。或以鸡头山即《括地志》所云之章山也。象河山，在州北七十里。上有城垒，势极险峻。下有泉，是为象河。又中城山，在废乐乡县西南。上亦有城，极险峻。又绿麻山，在州东南百三十里。宋末，吕文焕遣都统边居谊筑绿麻城，城盖在山下，俗亦名桃李山。

长坂在州西北。李巡曰：高峰山坡曰坂。后汉建安十三年，曹操入荆州，先主将南保江陵，操以江陵



毛泽东

读书集成

MAO ZE DONG DU SHU JI CHENG



93016



有军实，恐先主据之，乃轻军到襄阳，一日夜行三百余里，追及于当阳之长坂，先主弃妻子走，使张飞将二十骑拒后。胡氏曰：长坂，在当阳县东南百二十里长林城北。《城邑考》：长林城北有栳林长城，即曹操追先主处。盖长坂起于当阳之北，而接长林之境矣。太子冈，在州北五十里。元文宗自潜邸归即位，尝驻此，因名。

汉水州东九十里。自钟祥县流入境，又东南流，入潜江县界，谓之沔水。先主败于当阳长坂，济沔，与刘琦俱到夏口，即此处也。《水利考》：汉水入州境，不至冲泛者，东赖王家堤，东南赖绿麻堤以障之也。其堤防要害，全在沙洋镇一带。此镇控荆门、江陵、监利、潜江、沔阳五州县之上流。汉水自绿麻口直冲沙洋，北岸旧有堤，接连青泥湖新城镇，由沈家湾诸处至潜江界，凡二十余里，惟沙洋堤势独宽厚，军民廛居其上。嘉靖二十六年，堤决，汉水直趣江陵龙湾寺而下，分为支流者九，于是下流州县，俱被淹没。二十八年，有司修筑失宜，未几，复决。旧江身渐狭，南北相对止二十余丈。决口东西相对约三百余丈，反为正派，几不可复障而东矣。隆庆初，改筑高厚，水患始少。但此堤与红庙堤相对，虑红庙水涨，居民每欲盗决以泄水，备不可弛也。

直河州东南百二十里。又东南三十里有平塘湖河流合焉。又南流入于三湖，东合沔，一名直渠。溉田百顷，长而且直，因名。又权水，在州北。《志》云：权水出西蒙诸山，东北流经太子冈，会流为曹将军港。唐曹全晟、刘巨容败黄巢于此，因名。下流径内方山西，又东南径古权国城，又东入于沔。又官堰河，在州北百里，其地有暇台山，河源出焉，东入汉江。

建水州北百三十里。一名澧水。梁太清末，萧督自襄阳攻江陵，会其将杜崩等叛袭襄阳，督弃粮食铠仗于澧水而还。明年，西魏将杨忠救督，乘胜至石头，将趣江陵，湘东王绎遣使说忠，忠遂停澧北。大宝二年，岳阳王督以侯景攻巴陵，遣其将蔡大宝军武宁以规江陵。湘东王绎遣使谓曰：君忽顿武宁，即当遣劲甲顿澧水，待时进军也。澧水，盖襄阳江陵之襟要矣。亦名建阳河，又名杨水，亦名大漕河。流入江陵县界。

云梦泽在州东北。旧盖与德安府之云梦相连。《汉志》注：编县有云梦官。又今州西北四十里有云梦山，或以为云梦之浸旧至于此。今堙。藻湖，在州东北百十里，州东北百三十里有后港，合诸陂泽水，东流入焉。又有长湖，在州北百六十里。屯湖，在州东九十里。又州东马良村有马良湖，东南百里有藤湖，百七十里乔母湖，百八十里有蒿台湖，皆流汇于汉江。

蒙惠二泉州西二里。泉出蒙山之麓，分二派，北曰蒙，南曰惠。蒙泉常寒，惠泉常温。宋知州彭乘引为三沼，合流至竹陂河入汉江。居民分引溉田，甚赖其利。《志》云：州东九十里有百顷山，有温冷二泉，溉田百顷。又州北二十里有南泉，源出灵鹫山，溉田数百顷。盐井，在州北九十里，产盐，味苦。

东关州北一里。宋末，设以御敌。又西堡寨，在蒙山上。元末，乡人筑以御寇。又有东寨，《志》云：在州南二百里，亦元末御寇处。

沙洋镇州东南百四十里。亦曰新城镇。宋末，吕文焕将边居谊筑新城于此，因名。今有巡司戍守。又建阳镇，在州南九十里，有巡司，并置建阳驿于此。州西北百二十里有仙居镇，以近仙居山而名。峰岩险峻，为往来要道，置巡司纠察。丽阳驿亦置于此。其相近者又有鱼料水驿，《舆程志》云：两驿皆在州北百二十里。由襄阳而南，此其孔道也。又有石桥驿，在州北六十里。州城北曰荆山驿。

当阳县州西百二十里。南至荆州府枝江县百八十里，西至夷陵州百五十里。汉县，属南郡。后汉因之。建安十三年，曹操下荆州，先主将其众过襄阳，南至当阳，为操所追处也。晋仍属南郡。宋齐因之。后周置平州及漳川郡治此。后属梁。隋开皇七年，改州为玉州。九年，州郡并废，县属荆州。唐武德四年，又置平州。六年，改为玉州。八年，州废，仍属荆州。五代时，高氏置荆门军治此。宋属荆门军。绍兴十四年，废入长林县。十六年，复置。明洪武初，属荆州府，寻改今属。九年，省入州。十三年，复置。今城周三里有奇，编户五里。

麦城县东南五十里，在沮、漳二水间。《水经注》：漳水南径当阳县，又南径麦城东。相传楚昭王所



筑。三国初，关羽为吕蒙所袭，自知孤穷，乃走麦城，是也。又有磨城，在县东四十里。《荆州记》：麦城东有驴城，沮水西有磨城，伍子胥造此二城以攻麦城。谚云：东驴西磨，麦城自破。

麋城县东南六十里，地名八渠。宋白曰：春秋楚伐麋。颖容《释例》曰：麋，当阳也。或云三国时麋芳所筑。又有权城，在县东南。春秋时权国，楚武王克权，使斗缙尹之。斗缙以权叛，是也。又方城，在县东南百六十里沱江东游。《志》云：方城旁有秣马山，原隰宽衍，今方城见江陵。

玉泉山县西北三十里。山有泉，色白而莹，本名覆船山。三国时易今名。隋置玉州以此。宋末，蒙古陷襄阳，张梦发请城当阳之玉泉山，是也。又有玉阳山，在县西二里沮水之阳。方山，在县东四十里漳水上，层峦环列。又县东十里有许由山，山顶平旷，沮水与玉泉山水会于其前，有泉曰洗耳溪。

紫盖山县西南五十里。《道书》以为第三十三洞天也。《寰宇记》：紫盖有南北二山，顶四垂若伞，林石皆绀色，下出彩水。又铁山，在县北八十里，接远安县界，旧产铁，湘府曾于此山采矿。

绿林山县东南百二十里。山深阻。王莽天凤四年，新市人王匡、王凤等聚亡命，藏于绿林山中，数月间，至七八千人，是也。近《志》云：山在县北六十里。当阳坂，在县北六十里，相传曹操追先主于此。《志》曰：县西北六十里有倒流桥，沮、漳二水合流其下，即张飞据水断桥处。恐误。

沱江县南百二十里。大江分流处也。旁有金沙滩，地多流沙，烨烨如金。《志》云：金沙滩在县东南百二十里。《水利考》：县境之沱江，即沮、漳下流，盖水合势盛，南连大江，因有沱江之名。

沮水在县北一里。自南漳县经远安县，东流入界，绕流县西，折而东，又南经麦城西，又南流合于漳水。漳水，在县北四十里，自南漳县流入境，东南流，经麦城东，又南合于沮水。《志》云：沮、漳二水合处，在县东南五十里，名合溶渡。又南流注于沱江，至枝江县界，而入大江。余详大川。

鬩斗陂县东南八十里。《志》云：绿林山之水，与县东六十里圆台山之水，会为鬩斗陂。又县北八十里亦有鬩斗陂。宋绍兴中，郡守吴猎尝遏走马湖、鬩斗陂之水，于县西北真李公匱，以限戎马。

漳河口镇县北百里，有巡司。《志》云：县北有章乡。《水经注》：漳水经临沮县之章乡南。

附见：

荆门所州南九十里。又州北百二十里有宜门所。二所旧隶荆州卫。嘉靖中，改属承天卫。

沔阳州府南三百二十五里。东北至汉阳府四百里，南至岳州府三百五十里，西至荆州府四百四十里。

春秋、战国时楚地。秦为南郡地。汉属江夏郡。后汉因之。晋惠帝时，分属竟陵郡。梁又置沔阳郡治沔阳县，见汉阳府。后周兼置复州治建兴县。隋初，郡废州存徙州治竟陵，寻复旧治。大业初，改州曰沔州，寻又改曰沔阳郡治沔阳县。唐武德五年，又为复州治竟陵县。贞观七年，移治沔阳。天宝初，改为竟陵郡。乾元初，复故仍治竟陵。五代因之。《寰宇记》：晋改景陵郡。宋仍曰复州亦曰景陵郡。熙宁六年，废属安州。元祐初，复故治景陵县。端平中，移治沔阳镇，即今治所。元为复州路，又改为沔阳府。明洪武九年，降为州，以州治玉沙县省入编户四十二里，直隶湖广布政司。嘉靖十年，改属承天府，领县一。今属安陆府。

州襟带襄、随，腹背郢、鄂，当重湖之右，介江汉之中，地洼而卑，水漾而潴，实川泽之区也。宋朱昂曰：州环城皆水，因河为濠。然其地在汉阳以西，规度上游，此为资本。明太祖既定武昌，曰：安陆、襄阳，南北襟喉，英雄必争之地。然今日当以沔阳为干，而安陆、襄阳为枝，固守沔阳，乃图进取，庶得其宜耳。此非辨于先后之数者哉。

玉沙废县今州治。汉云杜县地。西魏为建兴县地。隋、唐为沔阳县地。宋初，析南境置玉沙县，属江陵府。至道二年，改隶复州。宝元二年，省沔阳县入焉。熙宁六年，州废，还隶江陵府。元祐初，复故。端平初，移州治沔阳镇。元改曰玉沙，而废旧玉沙县。明初省。《城邑考》：宋玉沙旧县，在今州西南五十里。今州城，明初因旧址修筑，周九里有奇，有门五。

建兴城州北二里。亦曰复州城。西魏所置建兴县也。《隋志》：梁置沔阳、营阳、州城三郡。西魏省



毛泽东

读书集成

MAO ZE DONG DU SHU JI CHENG



93018



州陵、惠怀二县，改置建兴县。后周置复州治此，又省菅阳、州城二郡入沔阳郡。开皇初，郡废，移复州治竟陵。仁寿三年，州还治建兴。大业初，改县曰沔阳，寻又改复州为沔阳郡。唐初，州治竟陵，寻还治此。乾元以后，仍属复州。宋因之。宝元中，省为沔阳镇，今州治在其南。《图经》谓之楚王城，俗亦名七里城。青林城，在州东十里。又州西十里有石楼城，州东五十里，有鱼复城，建置未详。

黄蓬山州南二百里大江之旁。其山延绵环结，上有城，亦曰却月城。城外有台，相传鲁肃曾屯兵于此。山下有湖，为黄蓬湖。元末，徐寿辉陷沔阳，陈友谅起兵于黄蓬以应之。友谅，沔阳人，其父黄蓬渔子也。又黄蓬山之支曰香山，俗名望乡山。其相近者又有石灵、松林、乌林诸小山。

江水州南二百里。《志》云：自监利县白螺山南，又经乌林南，过茅埠口，又东过竹林湾，又东过新滩、水洪二口，又东北接汉阳府之沌口，皆府境也。旧有长官堤，起监利县境，东接汉阳，长百数十里。明渐圯。嘉靖初，复筑滨江堤，西南起龙渊，东止玉沙，万有余丈。数年，复决西流窝一带，直抵玉沙。嗣后屡筑屡决，而东南皆为水区矣。

汉水州西北百里。自潜江县流入州境，纵横散溢，往往为害。《志》云：汉水自钟祥东播为芦淤河，入潜江东南，至上新口，径鮎鱼套诸处，达城西三里之三江口，所谓城西一里有襄河也。又自上新播于下新口，流至柳口，复东播于菱蒿汀，至直步，夏水从西来注之。径螺子渚，又径渣潭，东北趣大阳，入于襄河。又自渣潭东南，径小阳，过张家池坝港，入阳明湖，俱会于白湖，出沌口入江。汉水又自芦淤播于排沙，径到河、范溉关、栗林、麻港、南湾诸处，至黄荆口，入下帐湖，东汇于白湖。又自范溉南播于刘家渡，入三江口。又自栗林口播于蒋家湾，径莲台，趣大湖口，合黄荆水流入江。今汉江支港，在州东北六十里者，亦曰中下襄河。嘉靖初，濒汉为堤，自大小朱家冈至沧浪南池，几万余丈。九年，汉水自拖船埠西，决入州境，湖水皆溢，西北一带，皆为巨浸。后屡塞屡圯，未为乐土也。《水利考》：州境向以富饶称，盖地介江、汉间，多湖渠，民便渔鲜；又因湖渚，环堤为垆，易于耕佃也。明成化以来，上流堤防渐溃，汉水不时涨溢，城市崩坏，陷溺甚众。正德以后，潜河湖渚，又渐淤为平陆，下流既壅，水无所容，安得无决坛之患？故曰：江溢则没东南，汉溢则没西北，江汉并溢，则茫然大壑矣。岂堤防所能御哉？余见大川圯及川渚异同。

长夏河州南四十里。《志》云：襄水为汉之潜，而长夏河即夏水，江之沱也。自监利县流入境，东为大马长川，过沙口，又东北过柴林河，至直埠，与汉水合。《禹贡大传》：夏水首出于江，尾入沔，亦谓之沱。郑玄、刘澄之皆以为沧浪水也。《水经注》：夏水东至云杜入沔，其处谓之睹口。《广记》亦云：夏水入沔之口为睹口。今睹口在阳明、太白诸湖间，盖为水所堙也。亦曰堵口，亦曰渚口。晋元帝永昌元年，王敦反，逼建康，甘卓自襄阳将袭武昌，军于渚口，即此。夏水合沔入江，故沔口又名夏口也。又《周地图记》：夏水合诸水同入汉，自汉入渚，名七里沔，州名取此。《胜览》云：七里沔，在复州，江、汉、夏三水所会处，故沔阳城亦曰七里城。《州志》：七里沔在州东一里。又云：夏水泛则合诸水于州之东北度口，下流六十里，地名沧浪，古有沧浪驿。汉水自襄河而入，江水、夏水自西南而入，并汇于此，或以为七里沔也。一说竟陵南三十里湖东有七里泛，即七里沔。漕河，在州西南一里，江水、潜水所入也。《志》云：漕河自州西三里之三江口，东流合沧浪水，过侯埠关，入于白湖。又州治北有汉河，流入汉阳府界。又有白沙水，《志》云：在州东北一里。《水经》注：江水过下隳东，得白沙口。程纘以为即是水也，今堙。

太白湖州东北二百里，接汉阳府界。一名九真湖，一名土湖。潜水自西北来注之，沱自南来注之，其上游西湖、李老、泗港、沙湖及直步、黄蓬、阳明诸水悉汇焉，周二百余里，为沔境之巨浸。达沌口入江。《水经注》沌水通沔阳太白湖，是也。《水利考》：环沔皆湖也。大者凡数百里，小者亦不啻数十里，长波巨浸，诚浩渺之区矣！然其北多属景陵，而李老为大；其西多属监利，而西湖为大；其南则黄蓬为大，其东则太白为大。诸湖皆透迤入太白湖，故沔，众水之汇也，太白，又沔水之汇也。沔之水，渚于太白，泄于沌口，地势使然也。不然，沔其鱼矣乎。

白鹭湖州东十五里。其东相接者曰鼈湖。又官港湖，在州南四十里。又南十里曰赛港湖，又南五十里

曰白螺湖。千金湖，在州南二百里，其相接者曰乌流湖，曰黄蓬湖。《志》云：黄蓬湖纳茅埠口、许家池及白螺、莲子潭诸水，达新滩而入于白湖，江溢则逆洄入汉。

三阳湖州西三里。东曰朝阳，南曰南阳，北曰水阳，故曰三阳。又州北有复池湖。周武帝置复州，以湖名也。又白石湖，在州西八十里。湖中筑长堤为驿道，亘十里。直步湖，在州东南四十里，其湖受柳口大马河及螺子渚、渣潭、李二河等水，入阳明湖。《志》云：螺子渚在州东七十里，李二河在州东南百五十里。又西湖在州东南百里，西港河在州东南百五十里，下五湖在州东南二百八十里。

沙湖州东百二十里，与太白湖相连。今有沙湖驿。又司马小阳湖在州东九十里，阳明湖在州东百七十里，皆流接太白湖。马骨泛，在州北八十里。夏秋泛涨，淼漫若海，春冬涸，为平田。《一统志》云：马骨湖，在州东南百六十里。似误。《志》云：州之四境，湖池泛港之属凡四十有四，而太白湖最著。今皆有河泊所司之。

许家池州东南百五十里。又张家池，在州东南百四十里。杨孟池，在州东北百二十里。皆江汉支流所汇，联络灌注以入于白湖，亦皆掌于河泊所。剏河口，在州西北六十里。剏，与穴同。盖水流分泄处。亦曰剏河新掘口，汉水别流所经也。有河泊所，并置剏河驿于此。又拖船渡在州西九十里汉江滨，刘家渡在州北二十里。

范溉关州西北四十里。《志》云：沔阳之关四：〔一〕曰荆江口关，在城西；一曰襄江口关，在城西一里；一曰侯埠关，在州东六十里，与范溉关为四也。今有侯埠驿，置于侯埠关侧。

沙镇在州东百五十里沙湖口。有沙湖驿，并置巡司于此。《志》云：沙镇之东有邵洲脑，其地连接大白诸湖，支浦环聚，劫寇潜匿。万历中，增设官兵戍守。又茅镇，在州南百二十里茅埠口，亦设巡司于此。《志》云：州东百六十里地名尖刀嘴，北接汉川县界，有鸡公洲。嘉靖中，大盗哨聚于此，因增置官兵戍守。

汉津驿州城东北一里。驿前有江北渡，东接汉阳，西接潜江景陵，为一州之津要。《志》云：州有深江、豆河两驿，今俱革。

景陵县州北二百十里。北至京山县百里，东至汉阳府汉川县百五十里。楚竟陵邑。汉置县，属江夏郡。后汉因之，又光武封刘隆为侯邑。晋亦曰竟陵县，仍属江夏郡。晋末，分置霄城县，属竟陵郡。宋、齐因之。范云梁封为霄城侯，是也。西魏废竟陵入霄城，为竟陵郡治。后周改县曰竟陵。隋初，尝为复州治。唐时，复州治此。五代晋改县曰景陵。宋亦为复州治。端平中，还隶复州。元属沔阳府。今城周三里有奇，编户二十五里。

竟陵故城在县西南，即楚故邑。《史记·越世家》：竟陵泽，楚之材也。孔氏曰：楚有七泽，竟陵其一。秦白起攻楚，拔郢，东至竟陵。汉置县于此。晋宋因之。惠帝以后，属竟陵郡。齐为竟陵郡治。齐永元二年，萧衍起兵襄阳，前至竟陵，命张法安守之。梁太清中，湘东王绎以王僧辩为竟陵太守，既而与雍州刺史岳阳王誉敌，使司州刺史柳仲礼镇竟陵以图誉。誉大惧，遂请于西魏以覆江陵。西魏移郡于霄城，县废。《括地志》曰：竟陵故城在长寿县南百五十里。孙宗鉴曰：自蔡州南至信阳军，始有山路，迤邐至安陆，可两驿。至复州皆平地。南至大江，并无丘陵之阻。渡江至石首，始有浅山。谓之竟陵者，陵至此而竟；谓之石首者，石自此而首也。《汉志》：竟陵县东北有章山，古文以为内方，盖以为即荆门之内方也。

云杜城在县东南。汉县，属江夏郡。王莽地皇二年，绿林将王匡等败莽兵于云杜，遂攻拔竟陵。后汉亦属江夏郡。东晋以后，属竟陵郡，后周废。《水经注》：沔水自竟陵，又东南经云杜县东，夏水注之。《寰宇记》：萧梁置沔阳郡，盖治云杜县。又郢城，杜预曰：在云杜东南。《汉志》郢公邑在竟陵，是也。今见安陆县。京山城，在县北，齐梁置京山县，后齐置建安郡治焉。西魏改郡曰光川，后周郡废。隋大业初，废京山县入竟陵，因改角陵为京山县。又云梦城，《志》云：在县西，即古云梦泽地。又县东六十里有笑城，相传宋将毕再遇与金兵对垒，夜遁，惟系羊击鼓，金兵既觉，欲追之，知已无及，一笑而已。因名。《通



毛泽东

读书集成

MAO ZE DONG DU SHU JI CHENG



93020



志》：县东九十里直阳市城，相传为旧县治。

五华山县东七十里。山岭连属，北接钟祥县界，上有古风城，相传伏羲之后封于此。又巾戍山，在县北七十里。《水经注》：晋时于此置巾水戍。又有龙穴山，在县东北五十里，山旁有龙穴陵，一名龙尾山。天门山，在县西六十里。亦名火门山，相传光武行兵，举火夜度处也。俗忌火，故曰天门，盖即京山县之天门山。好事者为之说也。又青山，在县西北六十里青山湖北岸，亦与京山县接境。《志》云：湖在今县西二十五里。又诸葛岭，在县西二十里，俗传孔明屯兵处。

沔水在县南百里。自潜江县流入境，与沔阳州接界。梁太清二年，侯景据台城，荆州刺史湘东王绎遣兵入援，又遣竟陵太守王僧辩将舟师出自汉川，载粮东下，是也。《志》云：县南今有西江水，乃襄江之一派。《水利考》：汉水入境，经诸陂泽，至县东分流，一由黑流渡，经张池、竹筒二河，分入汉川刘家隔者为正流。一由小河口，经渔新河、巾台河、牛角湾，出汉川县风门，合竹筒河者为支流，二流会合，经湓口蔡店，并出汉口，此故道也。嘉靖二十五年已后，湖泽大半淤平，而竹筒河、牛角湾二处又复中堙。于是县多水患。大抵由青山经林里泽、急走湾、上下洲湖，直冲县治，抵杨林垸灌海堰，则邑皆为壑矣。又有塔儿湾决口，虽在潜江，而景陵实当其患，皆可虑也。

回河县东北七十五里。自府北池河分流经此，又东南入于沔水。便河，在县南三十里。元时，郡守白景谅以自县至郡，水道迂远，乃开此河，民以为便。时掘土得石，有文曰白公沟，亦名白河。又义河，在县东一里。《志》云：县有城南河，经城南入汉，下流为义水，汉水泛滥，时有冲啮之害。

扬水在县西南。旧自荆州府监利县流入境。《水经注》：扬水东入华容县，又东北径竟陵故城西，又北注于沔，谓之扬口。亦谓之中夏口。先主当阳之败，张飞按矛于长坂，先主以数十骑斜趣汉津，遂渡夏口。是矣。《晋书·杜预传》：旧水道惟沔汉达江陵千数百里，北无通路，预乃开扬口，起夏水达巴陵千余里，内泻长江之险，外通零、桂之漕。建兴四年，王廙将赴荆州，留长史刘浚镇扬口垒，为贼杜曾所破。隆安二年，荆州刺史殷仲堪贼杀故雍州刺史郝恢于扬口。齐永元二年，萧衍起兵襄阳，攻郢城，次于扬口，是也。今亦为扬林口。或曰：岳州府北有杨林浦，亦扬水通江之故道。巾水，在县北。《志》云：县东一里之义河，即巾水所经也。《水经注》：巾水出竟陵县东百九十里，西经巾城下，又西经竟陵县北，又西注扬水，谓之巾口。是也。又巾水，旧经扬林口，亦曰扬水，今自便河复入于汉江。

三澁水县南三十里。出京山县西七十里之磨石山，流入县界，东注于蒿台湖。或以为即《禹贡》之三澁也。亦名三汉口。《志》云：县河西自南河口入，南自黑流渡入，北自石家湖入，故名。汉，读曰差。一名三参水。参，去声。《县志》云：县有白云三汉水，在县东南九十里。有河泊所，东南去州一百里。

东湖在县东。地脉迤邐为洲坻，盘旋于湖中，凡数层。又西湖，在县西里许，中有汀。又南湖，在县南十里。上帐湖，在县南七十里。《志》云：东南去州百八十里，有河泊所。又下帐湖，在县南百七十里。又蒿台湖，在县东七十里。《水利考》：县境有四汉、蒿台等湖，即《禹贡》三澁故地也，最为低洼。嘉靖中，四汉等湖淤浅，下流复壅，沉溺不免矣。

澧马潭县西三十五里，钟水之区也。又有葫芦三湾，在县西南五十里，皆掌于河泊所。《輿程记》：县西南六十里为渔泛洪泽口，又四十里为湖口，即监利以北诸湖泽也。渡湖三十里，登陆五十里，而至荆州府。

甘鱼陂在县西北。《左传》昭十三年，楚公子比次于鱼陂。《战国策》：冷向曰：楚南有符离之塞，北有甘鱼之口。杜预曰：竟陵城西北有甘鱼陂。王氏曰：战国多用水攻，故楚守甘鱼之口。符离，见南直宿州。横桑口，在县东南。东晋初，荆州将吏郑攀等作乱，拒刺史王廙，众心不一，散还横桑口。《水经》：沔水受夏水，东南径云杜县，又东径左桑。昔周昭王南征不复处，庚仲雍谓本是佐丧也。又东谓之横桑，言得昭王丧处。

石渠堰在县西北三里。其流自五华山下通巾水。唐咸通中，刺史邓元素开。又县东北有永丰堤，堤长

四里。又有周公堤，自县东至县南，横长三十里。弘治中，县令周端因旧堤增筑，因名。又有便堤，在县南车箱渡，护七十余垧之田。

乾镇县东八十里。潜、沔之间，大半汇为湖渚，复合流至乾镇，分为二流：一由张家池口，出汉川县；一由竹筒河，出刘家隔，往来之要道也。今为乾镇驿，《会典》作乾滩驿，并置巡司于此。皂角市，在县东北七十里，有皂角渡。地据高阜，当三府四县之交，居民错杂，商贾辐聚，防御最切。其相近者曰鱼泛泽，亦戍守处也。又县东二十里有板港渡，县西青山湖口有鼓角渡，县西九十里黑流渡，县南三十里有车箱渡，皆水陆津要也。又有柳家渡，在县东北四十里。弘治十二年，改建柳家桥，公私便利。

八十冢县东北七十里。有疑冢凡八十，地名长河，接德安府应城县界。

附见：

沔阳卫在州治东北。洪武六年置。嘉靖十八年，改属兴部留守司。今亦设沔阳卫。

德安府东至黄州府三百里，南至汉阳府三百二十里，西至承天府三百二十九里，西南至承天府沔阳州三百四十里，西北至襄阳府四百九十里，北至河南信阳州二百五十一里，东北至河南光州四百三十里。自府治至布政司三百二十里，至京师五千六百一十里。

《禹贡》荆州之域。春秋时邲子国邲，一作郟，又作潏，俱读曰云，后属楚。秦属南郡，汉属江夏郡。后汉因之。晋亦属江夏郡。宋置安陆郡沈约志：孝建初立。齐因之。梁置南司州。西魏改置安州。后周末，改郟州，而安陆郡如故。隋初，废郡，炀帝改郟州为安陆郡。唐武德四年，复曰安州初置总管府，寻为大都督府。天宝初曰安陆郡。乾元初复曰安州贞元中，置安黄节度观察使，治安州。五代梁置宣威军，后唐改安远军。晋复为州。后汉仍为安远军。周显德初，复为州。宋仍曰安州亦曰安陆郡安远军。熙宁初，升为德安府以旧为潜郟也。元因之《志》云：宋端平初，徙治汉阳，元复旧治。明吴元年，改德安州。洪武九年，隶黄州府。十三年，复为德安府，领州一、县五。今仍旧。

府北控三关谓信阳三关，南通江汉，居襄、樊之左腋，为黄、鄂之上游，水陆流通，山川环峙。春秋时，楚人用此以得志于中原者也。三国时，为吴、魏争逐之地。吴嘉禾三年，陆逊自襄阳引退，潜遣别将击江夏新市、安陆石阳，斩获而还。时安陆已属魏，吴人遂不能得志于襄阳。晋庾翼图北伐，议移荆城镇安陆，盖顾瞻河、洛，指臂淮、汝，进可战，退可守，安陆形胜，实为利便矣！自是南北分疆，未尝不以安陆为棋劫之地。梁、陈不竞，周、隋屡出师于安陆，而东南不能支也。唐之中叶，淮西多事，安、黄每为形要。宋南渡以后，西北用兵，识者每欲于襄、邓、安、随，为北瞰京洛之计。岳飞发鄂州，道安州，进破金人于蔡州，而中原震动。陈亮谓：安、随诸处，镇抚得人，可以出奇制变。是也。胡氏曰：欲固中流，必以重兵镇安陆。薛氏云：安陆北接随、唐，东黄、南鄂，西接荆、郟，呼吸可通。明初，兵下汝宁，捷指安陆。时全楚州郡，悉为贼锋所糜烂。王师一至，无不欣欣颺望者。盖不待摧枯之力，而有风靡之势矣。此岂非古今之仅事哉？

安陆县附郟。汉县，属江夏郡。王莽地皇二年，绿林帅王匡等拔竟陵，转击云杜、安陆，是也。后汉亦属江夏郡。晋为江夏郡治。刘宋以后，为安陆郡治。梁为南司州治。自是州郡皆治此。明初，省入德安州，寻复置。今编户七里。


郟城今府城。春秋时郟子国也。楚灭郟，封斗辛为郟公，邑于此。定十年，吴入郟，楚子奔郟。《史记》：楚昭王十年，吴入郟，昭王亡至云梦，走郟。是也。《水经注》：郟水经安陆城西，故郟国也。盖亦因潏水为名矣。晋太元八年，苻坚大举入寇，慕容垂进拔郟城。义熙初，桓振据江陵为刘毅等所败，逃于郟川。既又自郟城袭江陵。郟城在郟川，故有二名也。梁武帝攻鲁山，谓郟城、竟陵之粟，方舟而下，郟城，



读
书
集
成

读
书
集
成

MAO ZE DONG DU SHU JI CHENG



即安陆之别名矣。今郡城，明初因故址修筑，嘉靖中增修，周六里有奇。

永阳城在府北六十里。萧齐置永阳县，属随郡。梁因之。西魏改曰吉阳，属安陆郡。隋初废。又桓温城，在府东十八里紫石村，相传温尝屯兵于此。《志》云：县西三十里有郝甌山，后周甌山县在其下。恐误。今见前汉川县。

章山府东四十里。《左传》定四年，蔡侯、吴子、唐侯伐楚，舍舟于淮汭，自豫章与楚夹汉。《图经》云：豫章即章山也。一名障山。晋太和二年，华宏讨义阳贼张昌于江夏，败于障山，即此。一名立章山。或以为即内方山，误。陪尾山，在府东北五十里，小丘也。或以为《禹贡》之陪尾，误。俗呼横山，一名横尾山，祝穆以为郢水所出。

石岩山府西八十里。山有石岩耸立。晋太安二年，时义阳蛮张昌作乱，聚众于安陆石岩山，织竹为凤，衣以五彩，聚肉其旁，以集百鸟，诈云凤降，因伪建元神凤，镇南将军刘弘讨平之。《水经注》：涢水过江夏安陆县西，又南径石岩山北。是也。又寿山，在府西北六十里，北接应山县界。白兆山，在府西三十里，西去大洪山一百里，皆峦嶂联络，有岩洞泉涧之胜。其东相峙者曰石梁山，亦高耸，有石如梁。

蔽山县北四十里。山如屏嶂，遮蔽南北，其阴即应山县界。又铁城山，在县北五里，以山石如铁而名。黄花谷，在府南。石晋天福五年，安州帅李金全以州附南唐，南唐将李承裕据其城。晋将马全节奉命讨金全，与唐兵战于城南，败之，承裕南走。别将安审晖追败承裕于黄花谷，又败之于云梦泽中，遂获承裕而还。

涢水在城西北。《元和志》：安州，其城三重，西枕涢水。涢水源出大洪山黑龙池，东南流过随州界，又东经应山县界，合诸溪水东南流入境。又南流至此绕城西隅，南经云梦泽，历云梦县及应城县境而入汉阳府界。其在城西者，俗称府河，亦名石潼。《水经注》：涢水，亦名清发水。《左传》定四年，吴败楚于柏举，从之及于清发，是也。又晋太安二年，镇南将军刘弘遣牙门将皮初与张昌战于清水，斩之。亦即涢水矣。又涿水，在府西北五十里，源出应山，会于涢水。

漳水府西南五十里，亦出大洪山，经京山应城县界，流入境。下流合涢水。沈括曰：清浊相揉者曰漳。漳，文也。别有云梦之漳，与涢水合流，色理如蟠蛛，数十里方混，其处谓之漳口。陈大建十二年，后周将元景山等败陈将樊毅于漳口，毅退保甌山镇是也。又有濯水，在府西南九十里，亦出大洪山，东流会于漳。一云源出自兆山，达云梦县北二十里蒿子口，入于涢水。

云梦泽府南五十里，《禹贡》曰：云土梦作义。《周礼·职方》：荆州藪曰云梦。《尔雅·十藪》：楚有云梦。《左传》昭二年，楚王以郑伯田南直之梦。又邴夫人弃子文于梦中。定四年，楚子避吴，入于云中。《战国策》：庄辛谓楚襄王驰骋于云梦之中。《史记》：秦始皇三十七年，出游，行至云梦，望祀虞舜于九疑。又自云梦浮江，下观籍柯。汉六年，高祖伪游云梦。《河渠书》：西方则通渠汉水、云梦之野。司马相如曰：楚有七泽，其小者名云梦，方九百里。后汉和帝永元十五年，幸云梦。桓帝延熹七年，幸云梦，临汉水。祝穆曰：左氏言梦则不言云，言云则不言梦。然则云梦实二泽也。《汉阳志》云：云在江之北，梦在江之南，今巴陵、枝江、荆门、安陆之境，皆云有云梦。盖云梦本跨南直北，为泽甚广，而后世悉为邑居聚落，故地之以云梦名者非一处。而安陆之云梦，尤最著云。石晋天福五年，马全节入安州，唐兵南遁。全节遣将安审晖追之及于云梦泽中，唐将张承业据云梦桥距战。晋兵乃还。《一统志》：府南一里有云梦桥，今泽已堙。又府河湖，在府南八十里，有河泊所。

濞头镇城西北二十里。亦曰潼头，涢水之别名也。杜佑曰：水所冲曰濞。梁大宝初，西魏将杨忠攻安陆，柳仲礼方进军襄阳，驰归救之。忠遣军袭败仲礼于濞头，安陆、竟陵俱降于魏。今名石淙村。大化镇，在府北九十里，与应山县接界。石晋天福五年，安远帅李金全叛附唐，唐将李承裕入安州。梁马全节自应山进军大化镇，与唐兵战于安州城南，是也。又高穹镇，在县南三十里，向有巡司，今革。

三连戍在府西。晋义熙十一年，雍州刺史鲁宗之以襄阳应司马休之于江陵，裕遣檀道济等将步骑出襄



阳，江夏太守刘虔之将兵屯三连，立桥聚粮，以待道济。积日不至，宗之子竟陵太守鲁轨袭击虔之，杀之。即此。又诸葛寨，在城东罗陂村，旧传诸葛武侯所立。胡亭，在府西北。晋咸康五年，石勒将夔安陷河南，进据胡亭，寇江夏，围石城，即此。石城，见承天府。

云梦县府南四十六里。南至汉阳府汉川县九十里，西南至应城县四十里。汉安陆县地，属江夏郡。西魏大统十六年，于云梦古城置县，因以为名。隋属郢州。唐属安州。宋因之。熙宁二年，省入安陆。元祐初，复置。绍兴中，移县于许落市，寻还故治。今编户三里。

江夏城县北十四里。晋江夏郡初治安陆，后移夏口。此盖晋故郡治也。杜佑曰：汉江夏郡治在县东南。恐误。楚王城，在县东。《左传》定四年，吴入郢，楚昭王奔郢城，因以名。

神山县东北四十里。云覆其上则雨，故名。其相近者曰葛藤山。

涢水县西二里。自安陆县流入境，一名西河，又南入汉川县界。《志》云：县南三十里有隔浦潭，涢水下流也。云梦泽，旧《志》：在县治南六十步，今涿。

台湖县南六十里。《志》云：水出县东三汉口，及后湖，会流至涢口入于汉。又紫云湖，在县南四十五里。杨林湖，在县南五十里。石羊湖，在县东南三十里。又孟家湖，在县东南十里。

兴安镇县东十五里，旧有巡司。又许落市，在县北十四里，宋时县尝移此。县西北又有於菟乡，相传即楚令尹子文所生处。

应城县府西南八十里。东南至汉阳府汉川县百十里，西至承天府京山县百里。汉安陆县地。宋置应城县，属安陆郡。齐因之。西魏置城阳郡。隋初郡废，县属郢州。大业初，改县曰应阳，属安陆郡。唐武德四年，复曰应城县，仍属安州。元和二年，省入云梦。太和二年，复置。天祐二年，又改曰应阳。五代唐复旧。宋、元因之。明洪武十年，并入云梦县。十三年，复置。今编户九里。

蒲骚城县北三十里。《左传》桓十一年，楚屈瑕将盟贰、轸，郢人军于蒲骚，即此。《志》云：后魏尝于此置浮城县，隋废。

崎山县西北二十五里，蜿蜒迤邐，来自京山县界。又京山，在县西北六十里，有温泉，东南流注于涢水。高楼山，在县东北二十里，涢水滨，以峰峦层叠而名。

涢河在县东北三十里，与云梦县接界，县境诸水，多汇入焉。杨家河，在县北三十五里。上流自京山县流入境，又东入安陆县境，即漳水上源也。

西河在县西北三十里。一名环河。源亦出大洪山，经京山县流入界。南流经城西，合诸溪水，经县南四十五里，为梅家港。又南五里为八埭口，入汉川县界，会于汉水。《志》云：县北三十里有省港水，自京山县境流入，南流至县南五里，合菱河注于西河。又龙石河，在县西十五里，一名毛家河。亦自京山县流入县西北境，南流至县南四十里，入龙骨湖。又石子河，在县西南二十五里，一名李家河。亦自京山县流入境，至县西四十里合义河，又流经县南三十五里，合龙石河。

五龙港县西南四十里。源出京山县界林泉山，流入境，分为二港，俱注于县西南五十里之三台湖。湖中有三土台，故名也。下流入汉川县界，入汉水。又汤池港，在县西南六十五里，源出玉女泉，入景陵县界，注汉水。《志》云：玉女泉，在县西南六十里。又县东南三十里有东港，流经县南四十里之清水河，亦入汉水。

崎山镇县北二十五里，以在崎山下而名。今置巡司于此。又栎林市，在县南八里。又南二里有沙陂冈。《志》云：县有沙湖驿，嘉靖中，改城北马驿。

孝感县府南百二十里。东至黄州府黄陂县百里，南至汉阳府汉川县百里。汉安陆县地。刘宋置孝昌县，以孝子董永名也，属江夏郡。齐置南义阳郡，治孝昌。梁初，以南义阳置司州，寻徙安陆。西魏于县置岳州及岳山郡。后周州郡俱废，县属郢州。隋大业初，属安陆郡。唐武德四年，置濠州。七年，州废，县属安州。五代唐改县曰孝感。宋仍属安州。明洪武九年，省入德安州，寻复置。今编户二十九里。



毛泽东

读书集成

MAO ZE DONG DU SHU JI CHENG



93024



灊岳城在县东。《志》云：西魏置灊岳郡于此。隋初废。唐武德四年，置灊阳县，属灊州。州废，属安州。贞观初，省入孝昌县。或曰灊阳即西魏所置郡治云。《寰宇记》：县北百里，又有义阳城。《隋志》：梁置义阳郡，西魏改为南司州，寻废。即此城云。

九峻山县东北八十五里。一名九宗。环阜叠嶂，林麓深杳，溪涧盘曲，拟于长安九峻。其东曰黄草山，险峻孤峭。《志》云：上有镇阳城，垒石为固，周围数里，四面陡绝，一径仅通，亦昔时守御处。又有双峰山，在县东北九十里，两峰挺峙，飞瀑悬流，登之可望江汉之胜。凤凰山，在县东四十里。相传晋永和初，凤产九子于此，一名乳凤冈，四面皆水。

大悟山县东北百三十里，高二百余丈，广六里，上有平畴，可耕种。其下为狮子岩，一名上界山。《方輿记》：县东北三十里，有大伍、小伍山，以重山叠嶂，遥望若行伍而名。疑即大悟之讹矣。三山，在县西北百三十里，三峰联峙，一名大洪山。又县北二百二十里有五峰山，以五峰并峙而名。

黄茅岭在县北二百五十里，为县境之险阻。其相近者又有白杨岭。《险要说》：孝感之黄茅岭，与应山之高贵山、随州之栲栳山，皆与信阳三关形势联络，上接襄、邓，下连光、黄，《图经》所谓天下之中络，楚北之要害也。

灊河县北五十里。自河南信阳县界，流经应山县北境鸡头山，为天磨河。入县境，经县北二百五十里之新店，汇清风涧水，为双河口。又南经县北二百里之太公潭，至县北百六十里为小河溪，至百二十里，有黄沙水流合焉，为两河口。又南为晏家河，经县北九十里之灊河镇，至县北五十里，分流环注。县境诸小水，皆流合焉。其下流一自县西南白龙潭入汉，一自八埠口会云梦县河之水，至县西南，注泉湖入汉。一合东山沦河，经线河至溃口入汉。一会县东南三十里之马溪河，及浚川、陡山河、蒲湖水，至黄陂县之沙口，入于江。

沦河在县南四十里，溃水支流也。经云梦县八埠口，又东汇为沦河湖，经汉阳黄陂之境，下流入于大江。《志》云：东山沦河湖，在县东南四十里，有河泊所。西河，在县东十里，自县北小河溪一带，汇流至此，为龙官潭，下流入于汉水，即灊水支流矣。又浚川，在县东北七十里，下流入于灊水。

后湖在县西北隅，溉田甚溥。又注泉湖，在县西南三十里，有河泊所。《志》云：县西十里有七里湖，有朱思湖，县西北三十五里又有白水湖。董家湖，在县东五里。又东为天门陂，皆以董永名也。又白陂湖，亦在县东。县东南二十里又有羊马湖。又磨陂泉，在县东北三十里，其泉涌出，灌田千顷，皆流汇于灊河。

九里关县东北三百里，接河南信阳县界。《志》以为一名黄岷关，即古之直辕也。《通志》误以为古大隧关。又小河溪镇，在县北百二十里，地险僻。《志》云：即王莽时王常起兵处，北出新店，即应山及信阳界也。嘉靖初，鞠为盗区，因设官兵戍守于此，有巡司。又马溪镇，在县东四十里，亦有巡司。又白云寨，在县东北百八十里白云山上。

附见：

德安守卫千户所在府治东。洪武初建，旧属行都司。嘉靖中，改属兴都留守司。今亦置德安所。

随州府西北百八十里。西南至承天府四百六十里，西至襄阳府三百五十里，北至河南唐县四百里，东北至河南信阳县二百四十四里。

《禹贡》：荆、豫二州境。春秋随侯国，后属楚。秦属南阳郡。两汉因之。三国魏属义阳郡。晋初因之。太康中，分置随国。刘宋泰始五年，改为随阳郡，寻曰随郡。沈约《志》：晋置随国，初属荆州。宋孝建元年，属郢州。永光元年，度属雍州。泰始五年，还属郢州。元徽五年，度属司州。自此改随阳为随郡。齐梁因之。西魏置并州于此，寻改曰随州，而随郡如故。隋初，郡废，大业初，改置汉东郡。唐武德三年，复为隋州。天宝初，亦曰汉东郡。乾元初，复旧。宋仍曰随州亦曰汉东郡。又乾德五年，升州为崇义军。太平兴国初，讳义，改曰崇信军。元因之，属德安府。明洪武初，以州治随县省入，又改州为县。十三年，复置随州编户十